



JABATAN HAL EHWAL AGAMA ISLAM PULAU PINANG

TATACARA PELAKSANAAN MAJLIS AKAD NIKAH DI NEGERI PULAU PINANG

SEPANJANG TEMPOH PERINTAH KAWALAN PERGERAKAN (PKP / PKPB)

MULAI 27 JANUARI 2021

Adalah dimaklumkan, bahawa Tatacara ini dikeluarkan selaras dengan tempoh pelaksanaan Perintah Kawalan Pergerakan (PKP dan PKPB) yang berkuatkuasa dari 27 Januari 2021 hingga arahan lain dikeluarkan oleh pihak berkuasa dari masa ke semasa. Tatacara ini hendaklah dipatuhi ketika melangsungkan majlis akad nikah di dalam Negeri Pulau Pinang.

1. Hanya pasangan yang telah mendapat Kebenaran Berkahwin sahaja dibenarkan untuk melangsungkan akad nikah sepanjang tempoh Perintah Kawalan Pergerakan (PKP dan PKPB).
2. Majlis akad nikah dilaksanakan di Pejabat Agama Daerah (PAD) sahaja dan tidak dibenarkan sama sekali diadakan dipremis persendirian , tempat awam seperti di masjid , dewan dan sebagainya.
3. Pejabat Agama Daerah (PAD) hendaklah menyediakan jadual majlis akad nikah tidak lebih 10 sesi sehari dan menetapkan tarikh, masa bagi setiap pasangan mengikut pasangan mana yang mendapat kebenaran berkahwin terlebih dahulu.
4. Pejabat Agama Daerah (PAD) hendaklah menyediakan sebuah bilik khas dan seorang petugas bagi membantu urusan majlis akad nikah.
5. *Standard Operating Prosedure (SOP)* yang ditentukan oleh pihak Kementerian Kesihatan Malaysia (KKM) seperti ; proses nyah kuman (*disinfection*), penjarakkan sosial, mencuci tangan dengan cecair khas atau sabun, memakai pelitup hidung dan mulut hendaklah dilakukan dengan sempurna.
6. Bilangan kehadiran majlis akad nikah adalah terhad dan tidak melebihi sepuluh (10) orang seperti berikut;

- a. Pengantin Lelaki;
 - b. Pengantin Perempuan;
 - c. Wali;
 - d. Dua (2) orang saksi dari Pejabat Agama Daerah (PAD).
 - e. PPPROI / jurunikah;
 - f. Ibu dan bapa pengantin lelaki;
 - g. Ibu pengantin perempuan; dan
 - h. Jurugambar.
7. Pegawai Tadbir Agama perlu memastikan majlis akad nikah yang dijalankan mematuhi perkara-perkara berikut ;
- a. Rukun nikah dipenuhi dengan sempurna.
 - b. Semakan dibuat ke atas dokumen-dokumen yang diperlukan.
 - c. Memendekkan khutbah nikah. (3 minit)
 - d. Membaca ta'liq selepas akad nikah.
 - e. Tidak berjabat tangan semasa lafaz ijab dan qabul.
 - f. Tiada sebarang upacara adat dilakukan seperti ; membatalkan air sembahyang, menyarung cincin, bertukar-tukar hadiah dan lain-lain.
8. Tempoh masa pelaksanaan majlis akad nikah hendaklah tidak melebihi 30 minit.
9. Surat Makluman Nikah diserahkan kepada pasangan pengantin sebaik sahaja selesai majlis akad nikah. Manakala Surat Perakuan Nikah boleh dituntut selepas tamat (PKP).
10. Pegawai Tadbir Agama hendaklah membatalkan majlis akad nikah sekiranya Tatacara Majlis Akad Nikah ini tidak dipatuhi.

Arahan :
Pengarah,
Jabatan Hal Ehwal Agama Islam Pulau Pinang.

Tarikh Dikeluarkan :
26 Januari 2021 / 13 Jamadil Akhir 1442